

欽定大清會典事例

欽定大清會典事例卷四百九十一

禮部

喪禮

孝德顯皇后大喪儀

孝德顯皇后大喪儀。○道光二十九年十二月十二日。
孝德顯皇后崩。時在福晉位。喪儀由內務府辦理。○三
十年正月二十七日。

諭朕元妃薩克達氏。應追封為皇后。所有應行典禮。該
衙門察例具奏。○二月初四日。

諭冊諡皇后。祇告。

奉先殿。毋庸祇告。

天

地

太廟。○初五日奏。

冊諡吉期尚需時日。其田邨喪儀似應先期豫改。以昭
尊重。除初祭大祭及初滿月致祭各禮業經舉
行不議外。其二滿月並三周年內每滿月禮致
祭及四時大祭一應禮節均應按例遣官致祭。
祭文由翰林院撰擬。執事各官由禮工二部內
務府鑾儀衛光祿寺太常寺前往將事。每日然
點香盞三時供獻。及直班大臣奠酒之處由內

務府辦理奉

旨。每日三時供獻。著改為一次。○又奏准。二滿月禮至周年內。每滿月禮致祭。用楮錠二萬。楮錢一萬。連飯卓十一張。酒五瓶。羊五。設

冠服儀仗。照例齊集。不讀文。百日禮讀文致祭。用楮錠五萬。楮錢四萬五千。色楮二萬。連飯卓二十五張。羊九。酒十三瓶。設

冠服儀仗。照例齊集。清明禮致祭。供挂楮錢寶花一座。連飯卓二十五張。羊九。酒十五瓶。設儀仗。照例齊集。不設

冠服。不讀文。不焚化楮錠。中元禮讀文致祭。用楮錠十萬。楮錢七萬。畫緞一萬端。色楮二萬。連飯卓三十一張。羊九。酒九瓶。設。

冠服儀仗。照例齊集。冬至禮讀文致祭。用楮錠五萬。楮錢五萬。色楮五萬。連飯卓三十一張。羊九。酒十五瓶。設。

冠服儀仗。照例齊集。歲暮禮致祭。與冬至同。惟冬至日不舉哀。周年以前。晝夜點香燈。每日早晚奠獻。每滿月等祭。設儀仗齊集。周年後至三周年內。每日點香燈三次。每滿月致祭。用楮錠楮錢各。

五千連飯卓五張。羊三。酒三瓶。不設儀仗。不齊集。如三周年後尚在。

殯宮停止。滿月祭及每日供獻。四時忌辰。朔望致祭。照皇后陵寢例。不設儀仗。不齊集。初周年讀文致祭。用羊酒祭筵。楮幣與歲暮同。於幄內設果飯卓各一張。其餘卓張列於兩旁。設

冠服儀仗。照例齊集。再周年三周年均讀文致祭。用楮錠三萬。楮錢一萬。色楮一萬。羊五。酒五瓶。連飯卓十一張。於幄內設果飯卓各一張。餘九張列於兩旁。設

冠服儀仗照例齊集。○二十一日奏。二月二十七日。
梓宮由田邨西所移請。

正殿請照奉移前期行啟奠之例於奉移前一日
讀文致祭奉

諭毋庸行啟奠禮。奉移日仍行朝奠禮。○三月二十一
日。

殯宮几筵前行百日禮。應行釋服人等俱釋服。○十月
初九日。追封

皇后曰

孝德皇后。應用香絹。

冊

寶擇得十三日書寫刊刻。二十二日填青。二十五日。

禮部堂官二人。豫奉絹

冊絹

寶連匣奉安於各綵亭內。大學士二人奉香

冊香

寶連匣安於案上。三叩啟匣。各請

冊

寶北嚮退。

文宗顯皇帝御常服乘輿出宮。前引大臣恭導至。

太和門升

御座閱視畢。禮部堂官引正副使由東階升。詣案前請冊。

寶入匣。包裹畢。請

冊

寶南嚮退。禮部堂官分引正副使由東西階升。詣

冊

寶案前。各行一跪三叩禮。正副使各奉

冊

寶由中階下。奉安於各綵亭內。行一跪三叩禮。禮部堂

官奏禮成。

駕還宮。校尉昇亭。

冊亭在前。

寶亭在後。導以黃蓋一柄。

御仗二對。禮部堂官前引。由中路行。正副使執事。各官隨行。內大臣侍衛於

午門內金水橋兩旁。王以下入八分公以上。於熙和門外兩旁。俟

冊

寶綵亭至。跪候過。隨行。未入八分公及民公侯伯以下。

滿漢文武大臣四品官以上於

西華門外按翼排立。綵亭至。跪候過興皆退。前引
官止。正副使及執事各官乘馬依次隨行。無執
事之民公侯伯以下。滿漢文武大臣四品官以
上。由各衙門酌派穿常服。不挂朝珠。豫往田邨
祇候行禮。綵亭出阜成門。地方官先期除道。昇
亭校尉按班更換。至田邨。豫往各官跪迎。候過
興。更青長袍褂。冠摘纓緯。隨行執事各官俱更
青長袍褂。冠摘纓緯。綵亭至。

殯宮大門外。

御仗黃蓋綵亭止。隨行各官皆止。正副使二人。禮部堂官二人。各詣亭前行一跪三叩禮。恭奉香

絹

冊

寶由中路進。禮部堂官在

几筵殿檻外。授內官陳於絹

冊絹

寶案上。退。正副使進至

几筵殿檻內。授內官陳於香

冊香

寶案上。行一跪三叩禮退。○二十七日午時行。

冊。謚禮。正副使承祭官執事各官俱青長袍褂冠。摘纓。緯。內務府官豫供果品十二色。陳帛爵。點香燭。設供案於

几筵前。設香案於供案前。設祝案於左。又設一案於左。旁近檻。內官豫請香絹。

冊

寶。陳於左旁近檻案上。正副使詣香案前立。贊引官於檐下贊上香。正使上香。偕副使少退立。贊宣。

冊。內官自匣奉出絹。

冊授宣

冊官宣

冊官立於檻外之東北面宣訖仍授內官復於案贊宣
寶內官自匣奉出絹

寶授宣

寶官宣

寶官立檻外之西北面宣訖仍授內官復於案內官同

奉

冊

寶各安於匣內包裏畢正使詣近檻案前奉香

冊副使詣近檻案前奉香

寶各授內官陳於

几筵前左右案上。正副使行一跪三叩禮。由左門退出。
讀祝官奉祝版授內官奉安祝案上。贊引對引
各官引承祭官詣拜位立。鴻臚寺官引行禮各
官咸就位立。承祭官上香奠帛讀祝三獻行禮
如儀。衆隨行禮畢。內官奉絹

冊絹

寶帛。匝祝版授執事官恭送燎所。禮成各退。翼日頒

詔布告天下。○十二月十二日。行初周年禮。儀如前議。

○咸豐元年十二月十二日行二周年禮儀與
初周年同○二年三月初七日行二十七月禮
承祭執事各官均穿青長袍褂冠摘纓緯。饌筵
豫設。

殿門敬開設奠几於門外奠酒行禮禮畢冠綴纓
緯○又奏准。

殯宮致祭雖逾三年究與

陵寢饗殿

神牌前致祭不同應請承祭執事各官仍服尋常袍青
褂冠綴纓緯與二十七月外三周年內一律舉

行如遇

親臨視奠。

御用服色禮儀遵

旨辦理。至將來奉移祖奠後。應用服色。屆時另行具奏。其三年內應用祭品及一切禮儀。仍照現行之例遵行。凡遇加祭並朔望。均由內務府辦理。遇慶典行告祭禮。照

殯宮之例舉行。由內務府太常寺辦理。四時忌辰大祭。應派承祭王由禮部奏派。祭品由各該衙門豫備。禮工二部。內務府。太常寺。光祿寺官員前往。

執事照料祭文由翰林院撰擬。應用祭品等項。應交工部內務府太常寺查照成案。有無增減之處。由各該衙門自行奏明備辦。○十月十四日。以十七日。

冊立

皇后派王一人前往

殯宮几筵前告祭。工部內務府官恭備供案。設尊案於東間西嚮。設香案於檻外正中。設祝案於檻外東旁。讀祝官豫供祝文於案上。內務府豫設香燭供果十二品。備酒三爵。均交太監豫供案上。

殿門敬閉。太常寺贊引對引官引承祭王入至檐下。上香讀祝行禮送燎如儀。禮畢各退。○十二月十二日行三周年禮如前儀。○三年五月初六日巳時工部在

殯宮東耳殿敬謹製造

升祔

奉先殿神牌。禮工二部堂官上香行禮。○十一月二十四日卯時

升祔

奉先殿神牌書寫埽青。禮工二部堂官各一員前往行

禮○二十七日寅時行題

主禮

几筵殿正中設黃案一。安設黃緞枕褥。案前設香燭黃案一。階上設奉安

神牌儀輿一。屆吉時奉

神牌之大臣朝服詣

神牌前跪。上香。行三叩禮興。恭奉

神牌。禮部堂官前引至

几筵殿安奉於題

主案。倚供黃褥枕上。跪上香。復行三叩禮興。題

主之滿漢大學士二員朝服盥手詣

神牌香案前行三跪九叩禮興敬謹於滿漢

神宇空處用石青填點畢復行三跪九叩禮興退王以下滿漢文武有頂戴官員以上穿朝服於

東華門外按翼齊集

孝德皇后儀仗全設於田邨大門外奉

神牌之大臣詣

神牌香案前行一跪三叩禮興恭奉

神牌奉安儀輿內復行一跪三叩禮校尉昇儀輿行至東華門外齊集之王以下有頂戴官員以上跪接

候過興儀仗停止。

御仗一對。曲柄繖一柄。導儀輿入。

東華門遣官在

東華門內跪迎。候過興贊引對引各官恭導隨行。

至

誠肅門外。曲柄繖儀輿止。遣官盥手畢詣

神牌前行一跪三叩禮。興恭奉

神牌由

奉先左門入

奉先殿左門乃行

升祔

奉先殿禮如大祭儀。十一年八月十三日奏准。

登極前期一日。

殯宮几筵前告祭。遣官穿素服冠緞纓緯。其行禮儀節及應行豫備之處均照四時大祭例辦理。九月初六日大學士等恭擬加上。

尊謚曰

孝德溫惠誠順慈莊恭天贊聖顯皇后。二十六日。

孝德皇后

冊

寶恭送內閣於巳時書寫刊刻。○十二月初一日辰時

冊

寶填青。○十三日。以十六日恭上

尊謚

穆宗毅皇帝於宮內致齋三日。○十五日。以次日恭上
尊謚。遣官告祭

天

地

太廟

奉先殿

社稷並

文宗顯皇帝几筵前。○十六日。

穆宗毅皇帝御青長袍褂冠綴纓緯。

御太和殿閱視

冊

寶畢還宮。工部內務府官豫設

冊

寶案各一。於

殯宮几筵前兩旁原供

冊

寶案之次設供案於

几筵前正中設香案於供案前正中。豫備點香燭供獻
帛。設祝案於右。再設一案於東旁。豫備獻舉以
前安供香絹

冊

寶。又設一案於東旁稍次。豫備獻帛爵。以前安供帛爵。
內務府太常寺官於

几筵前設祭品果品十二色。陳帛爵。點香燭。讀祝官。豫
奉祝版於祝案上。陳設校尉由

太和門外昇絳亭啟行

冊亭在前。

寶亭在後。導以黃蓋。

御仗二。執提鑪侍衛一對。派出前引官二員。同前引十大臣。並引導侍衛十對。禮部司官十員。前行。執豹尾槍侍衛。並奉

冊

寶之大學士及執事官員人等。在綵亭後隨行。王以下入八分公以上。在

熙和門外。按翼排立。俟綵亭至。俱跪候過隨行。綵亭至。

西華門外。前引官員並執事官俱乘馬依次隨行。
出阜成門。地方官先期潔除道路。昇亭校尉按
班更換。其未入八分公以下。滿漢文武大臣及
四品以上官。均素服冠摘纓。豫至
殯宮大門外。按翼排立。俟

冊

寶亭至。跪迎。綵亭至大門外止。黃蓋

御仗俱止。引導侍衛及執豹尾槍侍衛等皆止。所
有引導跟隨

冊

寶之王大臣侍衛官員等至此俱摘纓大學士二員禮部堂官二員各詣綵亭前行一跪三叩禮興大學士恭奉香

冊香

寶禮部堂官恭奉絹

冊絹

寶前引十大臣暨派出前引官二員前引奉香

冊香

寶大臣在前奉絹

冊絹

寶大臣在後。入中門。由中路行至月臺下。前引十大臣止於階下。排立。派出前引官二員。仍引至門外。止於檐下。稍南排立。大學士禮部堂官恭奉香

絹

冊

寶入中門。並安於東旁案上。各行一跪三叩禮。出立於東西兩邊檐下。屆午時。導引官引承祭王。素服冠摘纓。由右門入。至檻外拜位前立。鴻臚寺官引王以下。入八分公以上。按翼由東西兩旁門入。立於階下。未入八分公以下。滿漢文武四品

官以上在大門外按翼排立。典儀官唱執事官各司其事。贊引官贊就位。承祭王就拜位立。贊引官贊詣上香位。司香官豫奉香盒跪。贊引官引承祭王至殿門外。贊引官止立。承祭王由右門入。至香案前立。贊跪。承祭王跪。司香官進香盒。承祭王接香盒拱舉。仍授司香官。興。贊上香。承祭王三上香畢。引承祭王復位立。贊跪叩興。承祭王行三跪九叩禮。衆隨行禮。興。贊引官贊跪。承祭王跪。衆皆跪。典儀官唱進。

冊大學士至

冊案前行一跪三叩禮興恭請香

冊連箱跪進於左承祭王受

冊拱舉授左旁禮部堂官禮部堂官跪接興恭奉安設

於東邊原供

冊案之次案上行一跪三叩禮退典儀官唱進

寶奉香

寶大學士至

寶案前行一跪三叩禮興恭請香

寶連盞跪進於左承祭王受

寶拱舉授右旁禮部堂官。禮部堂官跪接興。恭奉安設。

於西邊原供

寶案之次案上。行一跪三叩禮退。典儀官唱宣

冊宣

冊官詣東旁案前行一跪三叩禮。將絹

冊自匣奉出。跪宣畢。典儀官唱宣

寶宣

寶官詣東旁案前行一跪三叩禮。將絹

寶自匣奉出。跪宣畢。各盛入匣內。包裹畢。俱行一跪三

叩禮退。贊引官贊叩興。承祭王行三跪九叩禮。

衆隨行禮。興。奠帛爵讀祝。行三獻禮如儀。衆隨行禮畢。典儀官唱恭奉。

冊

寶祝帛恭送燎位宣

冊

寶官奉祝版。官奉帛。至各案前跪行三叩禮。恭奉絹

冊絹

寶祝帛興。由中門出。前引十大臣同派出。前引官二員。仍接引送詣燎位。贊引官引承祭王轉立西旁。俟絹。

冊絹

實祝帛過畢。贊引官引承祭王還位立。鴻臚寺官引各官避立於兩旁。數帛官數帛畢。贊引官贊禮畢。引承祭王由原進門出。衆皆退。○同治元年三月二十三日。

穆宗毅皇帝萬壽聖節。內務府大臣素服冠緞纓緯。恭詣

殯宮門外告祭。行三跪九叩禮。行禮時

殿門敬閉。○二十五日

諭三月初三日。朕奉

母后皇太后

聖母皇太后恭詣田邨

皇妣孝德顯皇后几筵前奠酒行禮所有一切事宜著各該衙門敬謹豫備○又奏准

殯宮行禮雖逾三年究與

陵寢不同所用服色伏候

欽定奉

旨。上服縞素冠摘纓。王公大臣官員等俱青長袍褂帽摘纓○又奏

列后三周年後尚在

殯宮恭遇

皇帝親詣奠酒行禮。並無奏派進爵大臣成案。此次可

否即由隨

駕之領侍衛內大臣進爵奉

旨。由領侍衛內大臣進爵。○七月十二日。

慈安皇太后萬壽聖節。內務府大臣素服冠緞纓緯恭

詣

殯宮門外告祭。行三跪九叩禮。行禮時

殿門敬開。○十七日奉

旨。

孝德顯皇后梓宮奉移

山陵於前期三日內擇吉恭請

孝德顯皇后梓宮至靜安莊暫安。○又奏准

梓宮奉移

山陵所有沿途朝夕奠及至

陵翼日行饗奠禮。並此後大小致祭均俟

文宗顯皇帝几筵前致祭禮畢。再於

孝德顯皇后前致祭行禮。○九月初五日。行祖奠禮。用

楮錠五萬。楮錢五萬。色楮五萬。連飯卓三十一

張。羊九。酒十五瓶。陳設儀仗。恭理奉移事宜。王

大臣內務府大臣率執事官陳果筵於

几筵前設羊酒於幕內列饌筵於門外左右工部設祭
文案於檻外之西置奠几陳燎牀於燎所具楮
幣讀祝官奉祭文太常寺官二員前導入陳於
案退齊集之王公官員等各辨位集俟屆時恭
代承祭王詣

几筵前舉哀衆咸舉哀奠茶上食畢哀止讀祝官奉祭
文太常寺官二員恭展祭文讀文畢舉哀承祭
王祭酒三爵衆隨行禮畢徹奠承祭王立於右
讀祝官恭奉祭文太常寺官二員前導送至燎

所內務府大臣祭酒三爵。內務府官執壺遞酒
杯。每祭行一叩禮。衆隨叩興。哀止。禮畢。各退清
明所供之挂楮錢寶花。隨楮錠一同焚化。初
六日卯時。恭請

梓宮至靜安莊。禮部堂官內務府大臣恭奉

梓宮前陳設之

冊

寶。安設鳳輿內。啓行時。在曲柄繖後行走。工部豫設一
百二十八人大昇。舉於大門外。陳設儀仗。恭理
奉移事宜。王大臣禮部工部內務府堂官帶領

搭綵頭目校尉等。均衣駕衣進小舉。豫備妥協。退出。屆時。恭代之承祭王詣。

梓宮前舉哀。祭酒三爵。每祭行一叩禮。興。立於右。恭理奉移事宜。王大臣禮部工部內務府鑾儀衛大臣。率執事官員帶領校尉。恭奉。

梓宮啓行。承祭王恭導。

梓宮出大門外。登大舉。禮部堂官祭舉。奠酒三爵。每祭行一叩禮。焚楮錢。儀仗前導。唵經之喇嘛於兩旁行走。內務府官沿途揚撒楮錢。王公百官等。依次於大門內外齊集。跪送舉哀。往送之王公。

大臣官員等隨行至二班換班處騎馬其不往送者各散所有帶豹尾槍大臣章京等在

梓宮後稍間行走。次侍衛排班稍間行走。又次王公百官行走。唵經之喇嘛於三班換班處另班跪送各散昇請

梓宮分為六十班頭班末班用校尉餘用民夫其每班押槓添派校尉等事照例辦理近前行走之王公官員及太監等均在大昇輦兩旁乘馬隨行每換班時俱下馬跪恭理奉移事宜王大臣內務府禮部工部鑾儀衛大臣下馬照看換班畢

仍各乘馬隨行。所過門橋內大臣奠酒。

梓宮將至靜安莊。王公官員豫由閒道先詣靜安莊大門外按翼排立。

梓宮至。跪迎舉哀。執儀仗校尉下馬安設於大門前。恭昇。

梓宮至靜安莊殿內安奉畢。禮部堂官內務府大臣恭奉。

冊

寶入安奉。

梓宮兩旁案上。太監等然點香盤。供獻果卓。行夕奠禮。

內務府官執壺遞酒杯。承祭王奠酒三爵。每奠行一叩禮。衆隨行禮舉哀。禮畢。撤儀仗。各退。○
初九日。

孝德顯皇后梓宮由靜安莊奉移

山陵所有一應禮儀暨行走次序。與由田邨至靜安莊同。

文宗顯皇帝梓宮同日奉移。派親王一人。於東直門外梓宮會道處。恭代行祇見禮。至距

蘆殿不遠。王公百官。豫由別路前往黃布城北門外。按

翼排立。

梓宮進

蘆殿東次間後。從黃布城牆外繞至大門前排立。執儀仗校尉下馬。安設於大門前昇。

梓宮進

蘆殿東次間連大昇。舉安奉畢。禮部堂官內務府大臣
恭奉

冊

寶安奉於

蘆殿東次間內

梓宮兩旁案上。太監等然點香鎰。供獻果卓。行夕奠禮。

承祭王奠酒三爵。每奠行一叩禮。衆隨行禮舉
哀。禮畢退出。太監等看守坐更如儀。○次日早。
陳設儀仗。衆齊集。奉移時行朝奠禮。承祭王祭
酒三爵。每奠行一叩禮。衆隨行禮。焚楮錢。

梓宮出

蘆殿時。王大臣官員按翼排跪。候過隨行。至第二班更
換畢。仍騎馬隨行。禮部堂官內務府大臣豫奉

冊

寶。安設鳳輿內。在曲柄繖後行走。每宿

蘆殿均如前儀。○沿途五十里之內。地方文武官員。在

道右百步外跪迎。舉哀候過隨行。至宿處。在黃布城外叩謁。行三跪九叩禮。奠酒時。文官在東邊班末。武官在西邊班末排立。隨行禮舉哀。每程齊集行禮。暨行走次序。俱照此遵行。

梓宮將至

隆福寺暫安處所有

東陵各衙門派撥官員人役等。俱於

隆福寺附近地方道旁跪迎。

梓宮至。舉哀候過隨行。

梓宮至

隆福寺大門外。換三十二人小舉。昇請至。

正殿門外。俟承祭王於。

文宗顯皇帝前。恭代行三跪九叩禮畢。恭昇。

梓宮安奉於。

正殿東次間。安設八字牆帳幔等項。陳卓案。安奉。

冊。

寶於。

梓宮前兩案上。供果卓。承祭王祭酒三爵。每奠行一叩。

禮。衆隨行禮畢。各退。○十三日巳時。行饗奠禮。

用楮錠三萬。楮錢三萬。色楮三萬。連飯卓二十。

五張羊七酒十五瓶工部設幕於門外東旁陳燎牀於燎所具楮幣設祭文案於門內稍西內鑿儀衛官校陳儀仗恭理奉移事宜王大臣率執事官陳果筵於

几筵前列饌筵於兩旁設羊酒於幕內讀祝官恭奉祭文太常寺官二員導引由東次間入設於案齊集之王公官員等各辨位集俟屆時承祭王入東次間西旁立舉哀衆隨舉哀茶膳豫供執事官進奠几承祭王詣奠几前跪衆隨跪讀祝官恭奉祭文於承祭王之西跪導引之太常寺官

二員跪展祭文。哀止。讀文畢。復於案。舉哀如初。內務府官執壺遞酒杯。承祭王祭酒三爵。每奠行一叩禮。衆隨叩興。哀止。乃徹奠。承祭王退立於右。讀祝官奉祭文。太常寺官導引送至燎所。承祭王詣奠酒處。祭酒三爵。禮畢各退。○十一月十二日奏准。本年十二月十二日

孝德顯皇后忌辰查

列后奉移

山陵後。並無忌日致祭派承祭王之成案。此次援照奏

准

文宗顯皇帝梓宮奉移

山陵後四時大祭成案。由太常寺奏派承祭王前往致

祭。

未

以前俱仿此。

奉安

○二年十月十五日。

穆宗毅皇帝於

文宗顯皇帝几筵前。行釋服禮。所有

孝德顯皇后几筵前。即由在

陵直班王大臣一人。屆期敬謹告祭。○四年九月二十

六日。

文宗顯皇帝神牌黃輿回京。與

孝德顯皇后神牌同日升祔。

太廟工部豫設黃輿於

誠肅門外。屆時恭奉

孝德顯皇后神牌之王。朝服盥手。詣
奉先殿後殿上香。太常寺官跪奏請
孝德顯皇后神牌升輿詣

太廟祔饗奉

神牌之王。行一跪三叩禮。恭奉

神牌。敬謹安設於

黃輿內。復行一跪三叩禮。興。校尉昇行。前列

御仗二對。黃蓋一柄。禮部太常寺官前導。由

協和門

午門

端門各中門至

太廟街門內

黃輿止奉

神牌之玉至

黃輿前行一跪三叩禮恭奉

神牌至潔室安奉於黃案上復行一跪三叩禮退俟

文宗顯皇帝神牌黃輿至

太廟街門內奉

神牌之王。恭奉。

孝德顯皇后神牌升。

黃輿依次隨行。又內務府大臣朝服詣。

奉先殿神庫恭製。

孝德顯皇后神牌前行一跪三叩禮。恭奉。

神牌。敬謹安奉於。

奉先殿後殿原行供奉。

孝德顯皇后神牌之龕座上。行一跪三叩禮。退。

詳見
升祀

例○九月二十日。

孝德顯皇后梓宮。由。

隆福寺奉移

定陵隆恩殿行奉移祇告禮。○二十二日。與
文宗顯皇帝梓宮合葬

定陵所有行遷奠禮。行虞祭禮。均詳見
文宗顯皇帝大喪儀

欽定大清會典事例卷四百九十二

禮部

喪禮

孝貞顯皇后大喪儀一

孝貞顯皇后大喪儀。○光緒七年三月初十日戌時。

慈安端裕康慶昭和莊敬皇太后崩。○十一日

諭朕入承大統仰蒙

大行慈安端裕康慶昭和莊敬皇太后顧復恩慈情深
罔極臨御以來於茲七載承

歡奉養深荷

慈愉常見

動履康強。旰宵勤政。私心慶慰。方冀延祺益算。克享期

頤。初九日

慈躬偶爾違和。當進湯藥調治。以為即可就安。不意初十日病勢陡重。痰壅氣塞。遂至大漸。遽於戌時

仙馭升遐。呼搶哀號。曷其有極。欽奉

遺誥。喪服二十七日而除。朕心實所難安。仍穿孝百日。並素服滿二十七月。稍申哀悃。至

訃諭以勉節哀思。一以國事為重。用慰

慈禧端佑康頤昭豫莊誠皇太后教育之心。敢不敬遵遺命。勉加抑制。所有

大喪禮儀。著派惇親王奕誼。恭親王奕訢。貝勒奕劻。御前大臣景壽。大學士寶鋆。協辦大學士尚書靈桂。尚書恩承。翁同龢。敬謹管理。一切應行事宜。並著詳稽舊典。悉心覈議。隨時具奏。○是日未時行大斂禮。工部設丹旒於

宮門外之右。內鑾儀校設

儀駕於門外。工部內務府官員內監等設

几筵於殿中。設九鳳黃幔及左右素帷。供牀南面。坐褥具。前設供案。香盒鑪鐙具。

皇帝截髮辮成服。

皇貴太妃

皇貴妃

貴妃

妃

嬪以下俱摘耳環成服。

大行慈安端裕康慶昭和莊敬皇太后宮內女子內監
尚茶尚膳勇婦等均翦髮截辮成服。王以下入
八分公以上內大臣侍衛大學士等在門外東
旁內務府三旗官員及領催拜唐阿等在門外
東牆下。未入八分公以下官員以上在東旁門

外。內裏行走之福晉、公主、格格在。

几筵殿內。其餘公主、福晉以下、鄉君、入八分公夫人以下、二品命婦、兼男爵侍衛妻以上、在西旁門外。內務府三旗官員等妻、在侍衛妻後、各排立。

皇帝立殿上、東旁西嚮哭。

皇貴太妃

皇貴妃

貴妃

妃

嬪序立於黃幔內之西東嚮。凡齊集者皆傳哭。內務府大臣命婦率尚茶尚膳女官由中門入。

皇帝入殿左門詣。

几筵前跪。衆皆跪。尚茶女官跪進茶。內監奉茶轉進。

皇帝舉茶奠於案。行一拜禮。衆皆隨行禮。尚茶女官徹茶。次尚膳女官進膳。揭巾罍。

皇帝親上食畢。執事官進奠几於正中。

皇帝詣

几筵前跪。奉爵大臣跪進爵。

皇帝祭酒三爵。每祭一拜興。衆隨叩興。乃徹饌。哭止。

皇帝還翼室。來皆退。嗣是朝晡日中三奠。朝晡進羹飯有饌。日中進果筵。內外齊集行禮。如斂奠儀。○又奏准。斂奠及朝晡日中三奠。尚茶尚食進爵各事宜。仍照光緒元年成案。由外邊伺候。○又奏准治喪一切事宜。

皇帝二十七日内不辦事。如有緊要及軍務事件。照常辦理。二十七日内

上諭用藍筆。各衙門奏疏文移用藍印。

內庭主位以下。均於二十七日大祭後釋服。一。王貝勒以下奉恩將軍以上。民公侯伯以下。有頂

戴官員以上各給白布成服。罷斥及閒散宗室覺羅亦准成服。閒散宗室中年老年幼不能齊集者。停給孝布。公主福晉以下。鄉君奉恩將軍恭人以上。民公夫人以下。二品命婦兼男爵侍衛妻以上。內務府三旗官員及執事人之妻俱摘耳環。給白布成服。漢官命婦停給。一王以下官員。自奉移前每日三次齊集。奉移後每早一次齊集。二十七日停止。公主福晉以下。二品夫人以上。三日內每日三次齊集。第四日每早齊集一次。初祭後停止。遇祭日均照常齊集。內務

府三旗官員人等及妻奉移以前每日三次齊集。奉移後三旗分為三班。每日一旗二次齊集。大祭後分為六班。每日一班二次齊集。至百日止。婦女等齊集處。並設席棚青布步帳。一齊宿。王公各於府第。部院官於本衙門。都統參領佐領及散秩官於本旗衙門。凡二十七日。以初喪日為始。外藩王等每日齊集後。各歸寓邸。一外藩公主福晉額駙王台吉服內至京者。給白布成服。釋服後至京者。男去冠纓。女去耳環三日。一王以下及文武官員外藩台吉等公主福晉

暨大臣命婦內務府官員均於二十七日大祭
後釋服。一。恭理喪儀王大臣並

殯宮守衛執事官均百日除服。一。王公文武大臣官員
二十七日內俱服縞素。皆百日不雜髮。一。專司

壇

廟

堂子

奉先殿

壽皇殿祭

神殿各

陵寢官員內監人等停給孝服。免摘冠纓。仍百日不雜髮。一出入。王公百官齊集時。由

東華門

西華門。公主福晉八分公夫人以上乘馬。餘俱步行。由

神武門。穿孝官員人等不得在

景運門

隆宗門穿走。至

乾清門

日精門

月華門

景和門

隆福門

基化門

端則門去

坤寧宮甚近。此等處太監俱不必摘纓。止穿素服。其餘各處穿孝太監准其出入。

內右門及

景運門

隆宗門行走俱不准由

乾清門經過一

大行慈安端裕康慶昭和莊敬皇太后宮直班人員成服。其餘已經成服守衛官員護軍人等二十七日內如遇

紫禁城內直班之期均素服摘冠纓。

乾清宮尚茶尚膳人員等皆停給孝布。服素服摘冠纓二十七日。外國二十七日來京者給布成服。免齊集。近派宗室俟二十七月後舉行嫁娶。遠派宗室以至覺羅及三品以上滿漢大臣俟期年後嫁娶。嫁娶日准其作樂。至尋常作

樂燕會。仍俟二十七月後。四品以下滿漢官員均於百日後舉行嫁娶。嫁娶日准其作樂。至尋常作樂燕會。仍俟期年後。一出征軍營官兵家屬摘冠纓三日。免其成服。及本人父母親喪家。有出痘者。皆停給孝服。一在京軍民旗人等男去冠纓。女去首飾。穿素服二十七日。百日不雜髮。百日後准嫁娶作樂。一直省官員於

遺詔到日成服。早晚哭臨。凡三日。命婦去耳環首飾。素服均二十七日。以文到日為始。不雜髮。凡百日。以大事日為始。不作樂。不嫁娶。如在京官員例。

督撫等停止進香。在籍四品以上官停止來京。
滿漢軍民人等一月不嫁娶。百日不作樂。○十
二日奏。每遇

皇帝親奠。應派進爵大臣二三員。輪流遞酒杯。奉
旨。派出和碩禮親王世鐸。肅親王隆懃。○十三日
諭。向來各督撫將軍府尹及鹽政關差織造等例貢
方物。著期年內暫行停止。○又

諭。現遣

大行慈安端裕康慶昭和莊敬皇太后大事。各直省將
軍督撫都統副都統提鎮等均有職守。不必奏請

來京叩謁

梓宮。惟當實心辦事。免盡厥職。不在儀節虛文也。○又

奉

旨。恭埋喪儀。王大臣照例穿孝百日外。親王銜多羅
惠郡王奕詳。郡王銜多羅貝勒載澂。多羅貝勒載
滢。貝子銜鎮國公奕謨。禮親王世鐸。肅親王隆勳。
莊親王載勛。科爾沁親王伯彥訥謨祜。多羅貝勒
載漪。那爾蘇。貝子銜科爾沁鎮國公棍楚克林沁。
輔國公載瀛。輔國將軍載瀾。前鋒統領西拉布。和
碩額駙護軍統領扎拉豐阿。固倫額駙副都統符

珍委散秩大臣載瀛。載津。軍機大臣左宗棠。李鴻藻。景廉。王文韶。總管內務府大臣廣壽。志和。師曾。廣順。毓慶宮行走孫家鼐。張家驥。南書房行走潘祖蔭。孫詒經。徐邨。亦著穿孝百日。其餘王大臣官員。均著穿孝二十七日。釋服焚毀。○又奉

慈禧端佑康頤昭豫莊誠皇太后懿旨。醇親王奕譞著穿百日孝。○十五日。

命大學士九卿。敬謹會議

大行慈安端裕康慶昭和莊敬皇太后諡號。○十六日
長時。行殷奠禮。工部設幕於

慈寧宮門外之西。置奠几。陳燎牀於燎所。具楮幣。設祭
文案於殿內稍西。內鑾儀衛官校陳儀仗。內監
設

冠服篚於供牀。恭理喪儀。王大臣內務府大臣率執事
官陳果筵於

几筵前。列饌筵於階下兩旁。羊酒於幕內。讀祝官奉祭
文。禮部堂官二人前引。由中門入。陳於案出。王
公百官等各辨位集俟。屆時。

皇帝詣

几筵前。東立西嚮。舉哀。內外齊集者咸舉哀。尚茶跪進

茶。衆皆跪。

皇帝舉茶奠於案。行一拜禮。衆隨行禮。尚茶徹茶。次尚膳進膳。揭巾幕。

皇帝親上食畢。讀祝官恭奉祭文於案左跪。禮部堂官二人左右跪。恭展祭文。執事官進奠几。

皇帝於几前跪。衆皆跪。哀暫止。讀文畢。復於案退。舉哀如初。奉爵大臣跪進爵。

皇帝祭酒三爵。每祭一拜興。衆隨叩興。

皇帝復位。乃徹饌。讀祝官恭奉祭文。禮部堂官前引。由中門出。送至燎所。首領內監接奉恭安於燎。

林內監恭請

冠服。篋宮殿監侍二人前引。由中門入。

皇帝豫出殿門。

冠服至。

皇帝跪候過興還宮。

冠服由中門出。齊集之王公官員等咸跪候過興。皆退避。齊集之福晉命婦咸出。隨行至楮堆處。俟

冠服恭安於燎林畢。派出祭酒之貝勒夫人於燎所跪。衆皆跪。女官遞酒杯。祭酒三爵。每祭行一叩禮。衆隨行禮跪哭。哀止興。各退。○又奏准。凡

几筵前讀文致祭時。楮堆前奠酒。派貝勒載溼夫人。○

又奏准。

遺詔例由禮部恭錫膳黃。頒發各部院八旗衙門暨順天府等處。其

盛京所屬各衙門。及新疆等處。並各省城守尉等衙門。俱文與兵部轉發。各直省督撫等衙門。應查照乾隆四十二年成案。由兵部封交各直省提塘遞送。

遺詔至日。直省文武各官率紳士耆老。摘纓素服。出郊跪迎。至公署安設。行三跪九叩禮。跪聽宣讀畢。

立舉哀。復行三跪九叩禮。文武官均成服二十七日。三日內率紳士人等朝夕舉哀。命婦等亦穿素服二十七日。直省官百日內不嫁娶。期年內不作樂。直省軍民人等素服二十七日。一月內不嫁娶。百日內不作樂。官員軍民人等。以大
事之日為始。均百日不雜髮。其頒發朝鮮

遺詔至日。朝鮮國國王率羣臣素服恭迎。止鼓樂。至頒發緬甸越南暹羅各國。交與各該督撫轉發。外藩蒙古諸部。交理藩院照例辦理。○又奏准。遵照乾隆四十二年及道光二十九年成案。停止

宣讀

遺詔。○十九日辰時。行啟奠禮。儀與殷奠同。○二十日
卯時。

梓宮由

慈寧宮奉移

觀德殿。工部內務府將黃幔素帷及供牀几案五
供把蓮等項。豫先撤出。送往儀仗全設。上駟院
備馬四十八匹。駝包十八副。工部備大昇輦及
小輦於門外。陳

冊

寶綵亭恭昇

梓宮夫役人等共六班。班各八十人。每班外各備八人。初班末班用校尉。由鑾儀衛出派。中四班用民夫。由工部行五城兵馬司選派。均衣駕衣。分班立俟。佳時。

皇帝詣

梓宮前舉哀。執事官進奠几。

皇帝祭酒三爵。每祭行一拜禮興。退至檻外東旁立。禮部內務府大臣恭奉。

冊

寶陳於綵亭內。恭理喪儀。王大臣禮部工部內務府鑾儀衛大臣率執事官校進小輦。恭奉

梓宮啟行。

皇帝躬導由

慈寧門中門出。至

永康門外。登大昇輦。

皇帝於東北隅西嚮跪。禮部堂官祭輦。祭酒三爵。每奠行一叩禮。衆隨行禮畢。焚楮錢。校尉昇行。

皇帝興於

靈駕左旁行恭送。後扈人員隨行。近支王等

御前大臣侍衛等亦隨行。

靈駕出

西華門外換二班時。

皇帝於

靈駕左旁東嚮跪。衆皆跪。

靈駕啟行。

皇帝興。乘輿入

西華門出。

神武門。豫往

觀德殿。祇俟。

梓宮出

慈寧宮後。

大內宮眷由

神武門豫往

觀德殿祇俟。初班校尉恭昇

冊

寶亭在曲柄繖前排列行走。恭理喪儀王大臣禮部工部內務府堂官及宗人府奏派之王貝勒等在梓宮兩旁隨行。包衣佐領管領下派婦女一百八十名乘馬隨行。所乘之馬令掌儀司酌量敷用。派太

監十八名沿途照料行走。其次豹尾槍隨行。所有應行齊集人員。王以下至奉恩將軍間散宗室覺羅在

西華門外。按翼齊集。內務府官員在北池口內齊集。左翼大臣官員等在北長街齊集。右翼大臣官員等在

景山後西北角齊集。漢大臣官員在

景山後東北角齊集。皆候

靈駕至。舉哀跪迎。候過隨行。恭昇

梓宮人夫頭目四人。服喪服。擊響。每班管轄。自公侯

伯頭等侍衛以下參領輕車都尉以上並給事中。御史郎中員外郎等官選派。每班各四員照看。仍派鑾儀衛官四員指示進退換班行走。其抬昇引幡人等亦分六班。班各三十二人。每班外各備四人。均衣駕衣。在前昇行。每班照管部院官包衣官各四員。分為二班隨行。內務府官揚撒楮錢。所過門橋內大臣祭酒三爵。光祿寺官豫備臺盞。禮部官遞酒杯。工部官焚化楮錢。抬昇擎執皮箱鏡架面盆蠅拂等小儀仗。選派內管領下人役分班在儀仗馬前行走。內務府

郎中員外郎佐領管領等二十人分班指示照看喇嘛一百八衆在

觀德殿大門外西旁恭迎並豫設鷹狗於大門外梓宮將至王以下三品以上於

觀德殿大門外齊集四品官以下及內務府官員等於

景山東門外齊集。

內庭主位等豫至

觀德殿後兩旁齊集王福晉以下一品命婦以上豫至

觀德殿二門內齊集。二品夫人以下及內務府命婦婦人等豫至二門外齊集。均俟。

梓宮至。跪迎舉哀。

梓宮至。

觀德殿大門外。由大昇輦登小輦。

皇帝跪迎舉哀。

梓宮由中門入。

皇帝隨入。王以下等官於大門外按班序立。恭理喪儀王大臣等率官校奉安。

梓宮於正殿設引幡於大門外之西。陳儀仗於大門外。

兩旁。小儀仗於門內兩旁。設

冊

寶案於

梓宮前兩旁。禮部內務府大臣由綵亭內恭奉

冊

寶安設於案。

皇帝詣

几筵前祭酒三爵。禮部堂官遞酒杯。每祭行一拜。禮衆皆隨行禮畢。焚楮錢。引幡一同焚化。闔門哀止。衆皆退。○奉移後。

梓宮前每日三次照常供獻。設儀仗。滿月祭後停止。遇祭仍設。其每日點香燈。交與

大行慈安端裕康慶昭和莊敬皇太后宮首領太監辦理。應派看守內門太監並門外直宿之大臣侍衛周圍看守之八旗官兵及應用喇嘛禪僧念經等事。交與各該衙門照例備辦。至

梓宮應行漆飾之處。由內務府欽天監選擇吉期。敬謹辦理。○又奏准。三月十八日。

聖祖仁皇帝聖誕。二十三日。

穆宗毅皇帝聖誕。此二日照例禁止屠宰。

凡筵前應供素饌。嗣後凡遇禁止屠宰日期。均照此供
獻。○又奏。

皇帝親詣

觀德殿之日。午晚二供。不

親詣之日。三次供獻。均應派王公等輪班奠酒行禮。
奉

旨。派出禮親王世鐸。肅親王隆勳。莊親王載勳。怡親
王載敦。惠郡王奕詳。郡王銜貝勒載澂。貝勒載
漪。貝勒載澂。鎮國公奕謨。輔國公載瀛。○又奏
准。四月初一日。孟夏時饗。

太廟係在二十七日以內。四月初九日。

常雩大祀。係在百日以內。擬請均照成案。前期三日。

皇帝不致齋。祭日遣官恭代行禮。承祭及執事各官均朝服。祭時作樂。其省牲視牲及承祭官齋戒。均素服。二十七日以前。百官不陪祀。○二十一

日定。

大行慈安端裕康慶昭和莊敬皇太后

普祥峪萬年吉地為

定東陵。○又

諭。據大學士九卿等敬謹擬上

尊諡朕仰維

慈愛追慕無窮謹於

徽號十字內酌留六字合之恭上

尊諡稱曰

孝貞慈安裕慶和敬儀天祚聖顯皇后允足昭垂萬禩
式表尊崇所有應行典禮該部敬稽成例具奏○

二十六日行初祭禮用紙畫引旛一首楮錠二
十萬五千楮錢十四萬五千色楮五萬畫緞一
萬端連飯卓八十一張餼食九槽酒四十一瓶
羊二十七照例齊集儀與殷奠同○次日繹祭

用楮錠二萬。楮錢一萬。連飯卓十一張。酒五瓶。羊五。不讀文。遣官行禮。○二十八日。行大祭禮。儀與初祭同。○次日。繹祭。儀與初祭次日。繹祭同。○又奏准。四月初七日。係二十七日除服之期。應請遵照成案。除應百日釋服人員外。所有王公百官等。均於初七日朝奠後釋服。其

內庭主位釋服。由內務府辦理。二十七日後。每日齊集之處。照例停止。遇祭日。內外仍齊集。百日內。內務府三旗男婦輪班齊集。○又奏准。

皇帝御用服色。一百日內恭遇

大祀俱遣官行禮。

皇帝不致齋。百日外仍照成案奏准章程。

郊壇大祀遣王恭代。

皇帝於宮內齋戒。齋戒日。

皇帝常服不挂朝珠。至四孟時饗及禘祭前期一日。

皇帝親詣

太廟仍照常御龍褂挂朝珠。一百日外元旦

親詣

堂于行禮。由禮部請

旨遵行。如

親詣行禮。

皇帝御龍袍龍褂挂朝珠。一百日外遇

列祖

列宗聖誕。

親詣

奉先殿行禮。

皇帝御藍袍龍褂挂朝珠。忌辰仍素服。二十七月內

凡遇中祀羣祀均遣官行禮。一百日外

坤寧宮祀

大神。遇新正。

皇帝御龍袍龍褂挂朝珠。四孟月敬

神。

皇帝御藍袍龍褂挂朝珠。一。二十七月內如遇恭謁
各

陵。

皇帝在途次御行衣謁

陵時。御青長袍褂。冠綴纓緯。大祭之日。朝服行禮。一二
十七月內恭遇

慈禧端佑康頤昭豫莊誠皇太后萬壽聖節。

皇帝行禮時。御龍袍龍褂挂朝珠。前三日後三日均

照常挂朝珠。一。二十七月內恭遇

皇帝萬壽聖節。正日御常服一日。前三日後三日仍素服。如遇齋戒日亦常服。惟二十六日。

皇帝詣

慈禧端佑康頤昭豫莊誠皇太后前行禮時。御藍袍龍褂挂朝珠。禮畢易常服。一。二十七月內百日本元旦令節。

皇帝詣

慈禧端佑康頤昭豫莊誠皇太后前行禮時。御藍袍龍褂挂朝珠。禮畢御貂褂挂朝珠。前三日後三日

御貂褂不挂朝珠。遇忌辰仍素服。於初五日補穿貂褂一日。二十七月內封

寶開

寶。屆時御藍袍龍褂挂朝珠。一傳臚

升殿。二十七月後舉行。一百日外每月朔望。

皇帝御常服不挂朝珠。遇用貂皮褂。仍御貂皮褂。夏季戴緯帽。一百日內尋常

召見大臣官員及引

見官員俱御便殿。仍服編素。百日外二十七內俱素服。夏季戴雨纓冠。

內庭主位。二十七日釋編素後。二十七月之內均素服。恭遇

慈禧端佑康頤昭豫莊誠皇太后萬壽聖節。正日用吉服。前三日後三日常服。遇元旦令節用吉服。前三日後三日常服。○又奏准王公百官服色。一百日內恭遇

大祀承祭執事各官均朝服。祭時作樂。齋戒日咸素服。冠綴纓緯。二十七日內百官不陪祀。百日外二十七月內齋戒日。王公百官均常服。挂朝珠。前期省牲視牲各官俱補褂。冬季應穿貂褂者仍

貂褂。祭日咸朝服作樂。一百日內凡遇中祀羣祀。承祭執事各官咸素服行禮。樂設而不作。百官不陪祀。百日外二十七內齋戒日。王公百官仍素服。祭日朝服作樂。一。二十七內元旦祭

堂子。隨從王公大臣官員等俱朝服。行禮後蟒袍補褂。挂朝珠。一百日內除恭理喪儀王大臣並派出穿百日孝之王大臣暨

殯宮守衛執事官員等均照例編素外。其餘王公百官均服編素二十七日。皆百日不雜髮。二十七日

後穿青長袍褂。冠綴纓緯。夏季戴雨纓冠。至

几筵前仍摘纓。百日外二十七月內均穿青褂藍袍。夏季戴緯帽。遇朔望均常服不挂朝珠。至

几筵前仍服青長袍褂冠摘纓。一奉移

梓宮至

山陵。隨從人員。在途次穿青長袍褂冠摘纓。禮成後回京時均穿青長袍褂冠綴纓。一百日外二十七月內恭謁各

陵。隨從人員在途次均穿行衣。詣各

陵時穿青長袍褂冠綴纓緯。詣

大行慈安端裕康慶昭和莊敬皇太后山陵時。穿青長袍褂冠摘纓。一百日外二十七月內恭遇。

慈禧端佑康頤昭豫莊誠皇太后萬壽聖節。正日王公百官蟒袍補褂。前三日後三日常服挂朝珠。一百日外二十七月內恭遇。

萬壽聖節。正日王公百官穿補褂挂朝珠。前三日後三日均常服不挂朝珠。如遇齋戒挂朝珠。惟二十六日行禮時。穿補褂挂朝珠。禮畢常服挂朝珠。至。

几筵前上祭時。執事官仍青長袍褂冠摘纓。一二十七

月內百日外元旦令節。王公百官均服蟒袍補褂一日。前三日後三日穿常服挂朝珠。遇忌辰仍素服。於初五日補穿常服挂朝珠一日。應穿貂褂者仍貂褂。一百日外二十七月內常朝坐班封開印信日。屆時俱補褂挂朝珠。一二十七日後百日内引。

見官員俱穿青長袍褂。百日外穿青褂藍袍。一百日內雨衣雨帽氈褂。不論品級均用青色。百日外帽套各按品級。雨衣氈褂仍用青色。一二十七月內各衙門封開印信告條仍舊黏貼。其王公

大臣百官官銜封條。百日後黏貼。對聯門神。至
二十七月後張挂。外省在京官赴

天安門謝

恩。俱穿常服。遇鄉試會試之年。停止筵燕。內外廉官
員謝

恩。穿常服挂朝珠。二十五日奏雉。本年四月初九
日。

常雉大祀。五月二十五日夏至。

北郊大祀。均在大事二十七日外百日内。請照成案。派
出穿百日孝之王公大臣等毋庸齋戒陪祀。其

承祭執事各官仍前期致齋三日。素服冠綴纓
纁。惟查四月初九日

常雩大祀。齋戒係自初六日為始。尚在二十七日編素
期內。所有應行陪祀人員。均應於初七日朝奠
釋編素後致齋。至五月二十五日

北郊大祀。均應照常齋戒陪祀。○二十九日奏准。嗣後
朝晡二奠。每遇開辦道場之期。照例供素。○四
月初五日奏准。查乾隆四十二年。

孝聖憲皇后大事百日內

常雩大祀。欽奉

高宗純皇帝諭旨承祭王及

壇上執事官均著先行雞髮。此次

常雩

北郊大祀均在

大行慈安端裕康慶昭和莊敬皇太后百日期內所有

承祭及

壇上執事各官仍遵照乾隆四十二年成案辦理。○初

十日行初滿月禮用楮錠五萬楮錢五萬連飯

卓二十一張酒九瓶羊九儀仗全設儀與初祭

同。○十九日巳時以恭上

尊諡香

冊香

寶絹

冊絹

寶。敬送內閣書寫刊刻。○二十七日午時填青。○五月
初一日日食。尚在大事百日期內。所有救護各
官。均素服雨纓帽行禮。○初五日端陽節。用楮
錠四萬五千。楮錢四萬五千。色楮二萬。連飯卓
十九張。羊九。酒九瓶。陳設儀仗。齊集行禮。○初
十日。以十三日恭上

尊諡。

皇帝致齋三日。○又行二滿月禮儀與初滿月同。○
十一日。以恭上。

尊諡。遣官告祭。

天

地

太廟後殿

社稷壇均朝服。告祭。

奉先殿均補服。○十三日巳時。

皇帝青長袍褂雨纓冠。御太和門恭閱。

冊

寶畢。就拜位行三跪九拜禮。還宮易編素。屆吉時詣
几筵前恭進

冊

寶。上香奠帛讀祝行三獻禮。王公大臣及四品以上官
均青長袍褂戴雨纓帽隨行禮。校尉由

太和門外昇黃亭啟行。

冊亭在前。

寶亭在後。由中路出。導以

御仗二。黃蓋一。執提鑪侍衛二員。派出前引堂官

冊

二員同前引大臣並引導侍衛二十員禮部司
官十員前行執豹尾槍侍衛並奉

寶之大學士暨執事官在黃亭後隨行王以下入八分
公以上於

協和門外按翼排立候亭至皆跪候過隨行出
東華門未入八分公以下四品官員以上豫集
景山東門外按翼排立候亭至跪迎至
觀德殿大門外止

御仗黃蓋俱止引導侍衛及執豹尾槍侍衛等皆

止。所有大臣侍衛官員執事人等至此俱摘纓
是日早。鑿儀衛官豫設

儀駕於

觀德殿大門外。內務府工部太常寺官設祭品。並
添設果品十二色於

几筵。讀祝官豫奉祝版。安奉祝案上。陳香案於

几筵前正中。豫備點香燭。供獻帛。屆時。大學士二員禮
部堂官二員各詣黃亭前。行一跪三叩禮。興。大
學士恭奉香

冊香

寶。禮部堂官恭奉絹

冊絹

寶。前引十大臣暨派出前引堂官二員前引。奉香

冊香

寶之大學士在前。奉絹

冊絹

寶之禮部堂官在後。由中門中路行。至月臺下。前引十

大臣止。於階下排立。前引堂官二員仍引至殿

門外止。於檐下稍南排立。大學士禮部堂官恭

奉香絹

冊

寶入殿中門。並安奉於東旁案上。各行一跪三叩禮出。
立於東西兩邊檐下。司拜褥官豫設

皇帝拜褥於行禮處。

皇帝服縞素乘輿出宮。至

觀德殿大門外降輿。贊引對引各官恭導

皇帝從大門東門進。至拜褥前立。鴻臚寺官引王以
下。入八分公以上。按翼由東西旁門入。立於階
下。引未入八分公以下。滿漢文武四品官以上。
在大門外按翼排立。典儀官唱執事官各司其

事。贊引官奏就位。

皇帝就拜位立。司香官奉香盒至香案前立。贊引官奏詣上香位。司香官豫跪。贊引官恭導。

皇帝至香案前立。贊引官奏跪。

皇帝跪。司香官恭進香盒。

皇帝接香盒拱舉。仍授司香官。興。

皇帝三上辦香畢。贊引官奏復位。恭導。

皇帝率羣臣行三跪九拜禮。興。奏跪。

皇帝跪。羣臣皆跪。典儀官唱進。

冊大學士至

冊案前行一跪三叩禮興恭請香

冊連箱跪進於左。

皇帝受

冊拱舉授左旁禮部堂官禮部堂官跪接興恭奉安設於東邊几案上行一跪三叩禮退典儀官唱進

寶奉

寶大學士至

寶案前行一跪三叩禮興恭請香

寶連盞跪進於左。

皇帝受

寶拱舉。授右旁禮部堂官。禮部堂官跪接興。恭奉安設於西邊几案上。行一跪三叩禮退。典儀官唱宣

冊宣

冊官詣東旁案前。行一跪三叩禮。將絹

冊自匣奉出。跪宣畢。典儀官唱宣

寶宣

寶官詣東旁案前。行一跪三叩禮。將絹

寶自匣奉出。跪宣畢。同安於匣內包裹。俱行三叩禮退。

贊引官奏拜興。

皇帝行三跪九拜禮。衆皆隨行禮。典儀官唱奠帛爵
行初獻禮。奉帛王自東旁案上奉帛。匱跪供於
正中香案上。行三叩禮退。獻爵王自東旁案上
奉爵。立獻於

几筵前。供案正中退。讀祝官詣祝案前。行一跪三叩禮。
興。奉祝版於祝案之東。跪贊引官奏跪。

皇帝跪。衆皆隨跪。贊讀祝。讀文畢。奉祝版。恭安於帛
匣內。行三叩禮退。奏拜興。

皇帝行三拜禮。衆皆隨行禮。興。典儀官唱行亞獻禮。
獻爵王奉爵。立獻於供案上之左退。唱行終獻。

禮獻爵王奉爵立獻於供案上之右退贊引官
奏跪拜興。

冊
皇帝行三跪九拜禮衆皆隨行禮興典儀官唱恭奉

寶祝帛恭送燎位宣

冊宣

寶官奉祝文官奉帛王至各案前跪俱行三叩禮恭奉

絹

冊絹

寶祝帛興由中門出前引十大臣同派出前引堂官二

員仍接引恭送燎位。時贊引對引各官恭導。

皇帝轉立東旁。司拜褥官跪起拜褥。俟絹

冊絹

寶祝帛過畢。司拜褥官仍跪鋪拜褥退。贊引對引各官

恭導

皇帝還位立。鴻臚寺官引王公百官避於兩旁。數帛
官數帛畢。贊引官奏禮成。同對引官恭導。

皇帝由原進門出。乘輿還宮。衆退。翼日頒

詔布告天下。○自是日以後。凡章奏文移。俱恭書

孝貞顯皇后。